



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Divvm Hiob Brevissima, Iohannis Bvgenhagij Pomerani
Scholia, quibus ueteris tralationis nubila dispelluntur**

Bugenhagen, Johannes

Argentorati

VD16 B 9326

Capvt III. Respondens autem Eliphaz Theman

urn:nbn:de:hbz:466:1-36500

fus fui, nō quieui. Hæc est summa pie uitæ, contra quã
disputant amici. Non prosperatus sum, quia etsi pro
speritas mihi uidebatur adesse, tamen nihili duxi. Imò
timor quem semper in prosperitate habui, non permi
sit me prosperitate frui. Indignatio s. Dei.

C A P V T I I I I.

Respondens autem Eliphaz Theman.

Eliphaz Themanites. i. qui erat à Theman, Ad hoc
autē nituntur sua disputatione, ut ostendant Hiob esse
impium. Sed conceptum sermonem tenere quis pote
rit? id est, quis poterit tacere? Contra Paulus. Spiritus
prophetarum prophetis subiecti sunt. Manus lasas
i. infirmas. Manus lasa est que deficit à bono, que ro
boratur. quum sancta admonitione ad bona alios hor
tamur. Vacillātes. i. dubitantes in fide. Genua tremē
tia, id est, que debiliter inceserunt in uia Dei.

Conturbatus es, id est, qui alium doces, teipsum non
doces. Seminant dolores. i. sunt oppressores. Flante
deo deo persequente uel irascente. Spiritu iræ eius,
id est, furore eius. Bonæ sententiæ Eliphæ, sed tendunt
ad malum finem, ad cōclūsiōnem, ut ita dicam, malam
Quod præcipue & unice spectandum et obseruandū
est. Rugitus leonis & uox leonæ) per hæc animantia
oppressores aliorum significat. Eo q, non haberet
prædā) eo q, non liceret ei rapere. Per tigridem signi
ficantur

ut lega=
mus Hi=
ob absq;
offendi=
culo, qd
nrã ha=
bet trās
la.

1. Cor.

14.

Manus lasa.

A N N O T A T . I

ficantur, qui ex nullo uictu uiuunt nisi ex præda. Et ca-
tuli leonis dissipati sunt. s. qd' non haberent prædam.

Porro ad me dictum est uerbum absconditū. De uis-
sione hac nocturna accipit sententiā Hiob cap. 6. Ad
increpandū tantum eloquia cōcinnatis, & in uentum
uerba profertis. Ad Coloss. 2. Nemo uos seducat in re-
ligione angelorum. 1. Ioan. 3. Omni spiritui nolite cre-
dere. Nititur etiā Hiob sentētijs diuinis opprimere.

Dictum est uerbum absconditum. i. reuelatum est à
deo. Et quasi furtiue. i. abscondite. In horrore uisi-
onis nocturnæ. nocturnas uisiones magis horrescimus
Et cum spiritus. s. aliquis. Inhorruerunt pili. Stete-
runtq; comæ. Auræ lenis. i. leniter mihi locutus est.

Nunquid homo dei comparatione iustificabitur?)
Hanc dicit sententiā spiritus flatu sibi reuelatā, certe
in se bonam, nisi ipse qui dicit abuteretur. Nunquid
ho.) Sentētia est. Tametsi iustus ò Hiob tibi uidearis,
tamen coram deo nemo iustus est. Iustificabitur) iu-
stus erit. Qui seruiunt) uel angeli uel pij. Et in ange-
lis suis repperit prauitatē. Sicut Christus dicit. Vide-
bam satanam de cælo tanq̄ fulgur cadentē. Qui ha-
bitant domos luteas. i. qui habitāt in terris in hoc mor-
tali corpore. Consumuntur. i. intus in corde peribūt
Tinea intus consumit antequam consumptio foris ap-
pareat. Sic pereunt impij intus infidelitate, antequam
damnatio eorū foris conspiciatur. Est autem graue
argumen

argumentum contra Hiob, cuius impietas iam quoque
 apparebat foris. De mane usque ad uesp. i. breui peri-
 bunt. Et quia nullus intelligit. s. ea quae dei sunt. Qui
 autem reliqui fuerint auferentur ex eis. s. impijs. Et
 non in sapientia morientur. i. absque cognitione dei.

C A P V T V.

Voca ergo si est qui tibi respondeat.

Voca ergo. Adhuc sunt uerba Eliphæ. Ex hebreo
 Clama nunc si sit exaudiens te. Et ad quem de sanctis
 facies te uertere? hoc est, ne unus quidem ex sanctis
 pijs exaudiet te uel respondebit tibi uidens impietatem
 tuam. Cur enim non contemneret pius homo, quem etiam
 deus contemnit? etiam si tibi iustus uidearis. Quisquis
 sanctus est abhorrebit ab errore tuo, et non potest tibi
 consentire nisi impius. Noli o Hiob indignari contra
 sermones ueritatis. Virum stultum interficiet etc,
 Ne mireris quod ego dure loquor contra tuam impietatem
 cum amicus sim. Non enim me aliud decet, ex pijs
 sum non ex impijs. Et quis piorum siue sanctorum in hoc
 te audiet uel respondebit tibi? Et non potius cum tua
 impietate te deseret et contemnet?

Propositiones in capitis interpretationem

Sanctorum inuocationem, ut hodie iactatur, hic Prop. I.
 probare non licet.

Consilium hoc, est Eliphæ seu irrisio siue ironia: II.
 Etsi